

Broj: 03-02-374-2/2024
Sarajevo, 29.05.2024. godine

PARLAMENT FEDERACIJE BOSNE I HERCEGOVINE

Predstavnički dom

gosp. Damir Nikšić, poslanik
gosp. Ivan Miličević, sekretar ✓

Predmet: Odgovor na poslaničku inicijativu

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 29-05-2024			
Org. jed.	Broj	Priloga	Vrijednost
05/1	-02-	259	124

Poštovani,

U prilogu Vam dostavljam akt Federalnog ministarstva prostornog uređenja, broj: 03-02-4-467/24-2 od 23.05.2024. godine, koji sadrži odgovor na inicijativu, koju je podnio Damir Nikšić, poslanik u Predstavničkom domu Parlamenta Federacije Bosne i Hercegovine.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Broj: 03-02-4-467/24 - ✓
Sarajevo, 23.5.2024. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE
ul. Hamdije Čemerlića br. 2
Sarajevo
n/r sekretara dr.sci. Edita Kalajdžić

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 29.05.2024			
Organizaciona jedinica	Klasifikacioni broj	Redni broj	Broj priloga
03-02-374-2/2024			

Predmet: Inicijativa zastupnika Damira Nikšića

Veza: vaš dopis broj: 03-02-374-2/24 od 16.05.2024. godine

Federalnom ministarstvu prostornog uređenja ste dostavili inicijativu podnesenu od strane zastupnika Damira Nikšića, a koja su dostavljena Vladi Federacije BiH aktom sekretara Zastupničkog doma Parlamenta Federacije Bosne i Hercegovine, broj: 05/1-02-259/24 od 15.05.2024. godine.

Inicijativa se odnosi na to da Federalno ministarstvo okoliša i turizma i Federalno ministarstvo prostornog uređenja pod hitno izrade i postave jedinstveni znak upozorenja na opasnost od obrušavanja fasade sa oronulih i zapuštenih nacionalnih spomenika na koje još uvijek nisu primijenjene mjere zaštite utvrđene Zakonom o sprovođenju odluka Komisije za očuvanje nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 8/02, 27/02, 6/04 i 51/07), a za koje je, po istom zakonu, Vlada Federacije BiH dužna osigurati pravne, naučne, tehničke, administrativne i finansijske mjere za njihovu zaštitu, konzervaciju i prezentaciju.

S tim u vezi, ovo federalno ministarstvo se očituje kako slijedi:

Odredbama člana 14. Uredbe o tehničkim svojstvima koje građevine moraju zadovoljavati u pogledu sigurnosti te načina korištenja i održavanja građevina („Službene novine Federacije BiH“, br. 29/07, 51/08 i 99/14) utvrđeno je da je vlasnik građevine, odnosno korisnik dužan osigurati održavanje građevine tako da se u toku njezinog trajanja očuvaju tehnička svojstva koje građevine moraju zadovoljiti u pogledu sigurnosti, unapređivanje i ispunjavanje bitnih zahtjeva za građevinu te ju je dužan održavati tako da se ne narušavaju spomenička svojstva građevine, odnosno dobara koje je Komisija proglasila nacionalnim spomenikom.

Vlasnik građevine, odnosno korisnik dužan je održavati građevinu na način da se njenim održavanjem osigurava upotrebljivost i ispravnost građevine, uređaja i opreme, upotrebljivost građevine kao cjeline i sigurnost njenog korištenja.

Članom 15. iste Uredbe propisano je da je, u slučaju oštećenja građevine zbog kojih postoji opasnost po život i zdravlje ljudi, okolicu, prirodu, druge građevine

i stvari ili stabilnost tla na okolnom zemljištu (požari, poplave, intervencije na elektroinstalacijama i sl.), vlasnik građevine, odnosno korisnik dužan preduzeti hitne mjere za otklanjanje opasnosti i označiti građevinu opasnom do otklanjanja takvog oštećenja.

Vlasnik građevine, odnosno korisnik dužan je odmah preduzeti radove koji se izvode kao hitne intervencije, odnosno obavijestiti odmah po saznanju pravno lice kojem je povjereno održavanje građevine, odnosno kojem je povjereno održavanje uređaja, instalacija i sl. o potrebi preduzimanja radova koji se izvode kao hitne intervencije, te obavijestiti druge nadležne organizacije, odnosno službe u skladu sa posebnim propisima.

Imajući u vidu gore navedeno, može se konstatovati da je dužnost vlasnika, odnosno korisnika dobra koje je proglašeno nacionalnim spomenikom Bosne i Hercegovine, da označi građevinu opasnom do otklanjanja oštećenja, te da obavijesti druge nadležne organizacije, odnosno službe u skladu sa posebnim propisima.

Napominjemo da Vlada Federacije Bosne i Hercegovine i Federalno ministarstvo prostornog uređenja svake godine obezbjeđuju značajna sredstva za sanaciju i rehabilitaciju nacionalnih spomenika Bosne i Hercegovine kroz implementaciju Programa obnove i zaštite nacionalnih spomenika „Kapitalni transferi drugim nivoima vlasti i fondovima - učešće Vlade Federacije BiH u sufinansiranju kantonalnih i lokanih zajednica - zaštita nacionalnih spomenika“.

S poštovanjem,



Dostaviti:

1. naslovu,
2. a./a.